

Enes Smajović nam se javio iz Sydney – a, zaista sa pravim povodom

Autor Administrator

Ponedjeljak, 05 Ožujak 2012 15:19 - Ažurirano Ponedjeljak, 05 Ožujak 2012 17:15

U subotu, 3.marta 2012.g. u velikoj dvorani BH Kulturnog Centra-Leppington u Sydney-u održana je prigodna svečanost povodom obilježavanja "Dana nezavisnosti BiH". Svečanosti je prisustvovalo oko dvije stotine posjetilaca, a svojim prisustvom nas je počastio i Njegova Ekselencija Ambasador BiH u Canberra-i dr sc. Damir Arnaut. Trebalo je da prisustvuje i gospodin Hon. Ed Husic MP, član Federalnog Parlamenta Australije, ali on zbog radnih obaveza, na žalost, nije mogao doći. U toku oficijelnog dijela programa prisutnima se pored dr. Arnauta, kraćim govorom, odnosno osvrtom na noviju historiju naše domovine, obratio i nas uvaženi književnik dr. Bajram Redžepagić. U ovom dijelu programa učestvovali su i naši najmlađi, polaznici BOSANSKE ETNIČKE ŠKOLE, KUD-o ZAMBAK, te pjesnik, gospodin Ibro Suhopoljac. Nakon oficijelnog dijela obilježavanja ovog značajnog datuma prisutni su imali priliku da se zabave uz naš "Orkestar sevdaha" i sevdaliju Fikreta Kolarića.

U toku ove večeri našem Ambasadoru dr. Damiru Arnautu je ispred ABHCA-BH Kulturnog Centra-Leppington uručeno "PRIZNANJE" kao izraz naše velike zahvalnosti za njegov ogromni doprinos u realizaciji priznavanja REZOLUCIJE O GENOCIDU U SREBRENICI od strane AU – Parlamenta. Priznanje mu je u ime Centra uručio gospodin Dževdet Smajić, koji je kao dječak 12-13 godina starosti, sa još dva mlađa brata i sestrom, u Srebrenici ostao bez oba roditelja. Uz ovo priznanje dr. Damiru Arnautu je uručena i "Zahvalnica" ispred ABHCA za dosadašnju saradnju sa našom organizacijom, a koju mu je uručio predsjednik ABHCA Enes Smajović. Bilo je pripremljeno "PRIZNANJE" i za gospodina Hon. Eda Husica, MP-a, pa obzirom da on nije mogao prisustvovati ovoj svečanosti ono će mu biti naknadno uručeno.

Povodom obilježavanja ovog značajnog datuma dodijelili smo i priznanje književniku dr. Bajramu Redžepagiću za njegov veliki uspjeh na polju književnosti. Zahvalnice od ABHCA je pored njih dobilo i još nekoliko naših vrijednih članova za njihov doprinos, kako u samoj izgradnji, tako i za doprinos u razvoju Centra na kulturnom polju, a to su: gospodin Hasib i gospođa Samida Kamenjašević, gospodin Edhem-Edo Merdanić, gospodin Ibrahim Preljević, gospodin Samed Šišić, gospodin Admir-Ado Sefić, gospodin Esad Kalender, gospodin Edin Husić, gospodin Mirza Duljković, gospodin Haris Džihić, gospodin Samir Zjakić, gospodin Asim Halilović i gospodin Fikret Kolarić.

Predsjednik managementa ABHCA

Enes Smajović

Enes Smajović nam se javio iz Sydney – a, zaista sa pravim povodom

Autor Administrator

Ponedjeljak, 05 Ožujak 2012 15:19 - Ažurirano Ponedjeljak, 05 Ožujak 2012 17:15

Veliki pozdrav iz Sydney-a.{jcomments on}